

宋

會

要

宋會要水運

凡水運自江淮南劍兩浙荆湖南北路運每歲租糧至真揚楚泗州置轉般倉受納分調舟船計綱汴流入汴至京師發運使領之諸州錢帛雜物軍器上供亦如之陝西諸州菽粟自黃河三門汭流入汴亦至京師三門白波發運使判官催領之陳頴許蔡光壽諸州之粟帛自石塘忠民河

車馬詔

詔曰成都府錢帛並貨綱運訪聞押綱使臣并隨船人兵多冒帶物貨私
益及影庇販鬻所過不輸稅算自今四川等處水陸綱運每綱具官物數
目給引付主吏沿路驗認如有引外之物悉沒官 五年十月奉汴蔡兩
河公私舟船運江淮稻米數十萬石赴京以充軍食 六年六月命潁州
團練使曹翰都大催督汴路運船 太宗太平興國八年九月四日以洛
苑使濱州刺史王賓儒州刺史許昌裔在京同勾當水路發運事以軍器
庫使順州刺史王繼昇駕部員外郎劉蟠在京勾當水路發運使先是歲
漕江浙熟米四百萬石赴京以備軍食皆和碩百姓駕船雖有和碩之名
其寔擾人太宗聞之特令給每船所用人數碩召之直委主綱者取便碩
人不得更差擾百姓及是有舟船數十綱到京却畢月餘不能離岸者帝
訪知乃責有司且問其故乃省司乘南來運船於力勝外別附皮革雜用
之物至京而掌庫者不時受納是有停滯之患判使而下減奪俸以勵之
又諸道州府有輦運錢帛赴京及請領物貨往來道者而所司給納之際
多有邀留故為奸倖主綱將吏甚受其弊亦有已出官物而衷私換易帝
悉窮其原因令擇強幹之臣在京掌水陸路發運事凡舟車到發及財貨
出納並關報而催督之自是遂絕邀難停滯之弊 十三日帝曰諸通州

府多差部內有物力人戶充軍將部押錢帛糧斛赴京此等皆是鄉村之民而蒿工水手及牽駕兵士皆頑惡無賴之輩豈斯人可擒制即侵盜官物恣為不法者十有七八及其大折但令主綱者填納甚無謂也亡家破產往往有之乃詔自今荆湖諸州船令三司相度合銷人數依江淮例差軍將大將管押其江淮兩浙諸州一依前詔不得差大戶押綱九年十月益鐵使王明言江南諸州載米至建安軍以回船般益至逐州出賣皆差稅戶軍將管押多有欠折皆稱建安軍益倉交裝斤兩不足準今年三月初每益一石以上破隨綱鹵憑益一升恐部納補填鹵憑折耗不足每月更破銷耗益二升管押使臣三司大將軍將州府軍將綱官稍工本綱部轄節級同認數請納少欠等第均填自後未有申報欠少去處已前江南諸州般益稅戶軍將逐綱請三五千石多是欠少一分以上動計及千貫已上錢數無非破產填納則遭枷禁校料前件人皆是村民差充軍將量其情狀皆非侵欺若令破產填欠似傷風教稍加寬恕深便公私其未降勅添耗已前於建安軍請出益貨未到本州及雖到未經交納欠數每碩五升已上者乞依條勅與破耗益如已經交納及欠數不及五升者不在此限除破耗益外更有欠少益價不以前後並乞據數勒定年限隨夏

秋稅租催納如三百千已下三年已上至五百十五年已上七年百千已下一年從之雍正二年十月帝聞汴河漕運軍人至京城頗有寒餓者令中官訪求累得百餘人有飢凍之色詰其故乃主糧吏奪其口食而自取之詔杖配押運使臣隸商州禁錮斷主糧胥吏腕拘於河側三日而後斬仍命給軍人衣服慰遣之四年十一月詔曰訪聞西路所發係官竹木戕施緣路至京多是押綱使臣綱官團頭水手通同偷賣竹木交納數少即妄稱遺失自今應出竹木州軍并緣河諸州及開封府嚴行約束每有戕施至地分晝時催督出界違者準盜官物條科罪至道二年二月詔自三門塋鹽務裝發至白波務每席支汭路拋撒耗鹽一斤白波務支堆塋銷折鹽半斤自白波務裝發至東京又支汭路拋撒鹽一斤其耗鹽候逐處下卸如有擺撼消折不盡數目並令盡底受納附帳管係八月詔荊湖般糧赴真州等處卸納迴脚千料船或裝鹽迴並依例破十分人力空船即破八分人力如千料已下船並依此比附分數十二月詔應諸道州府軍鹽今後合要支用財穀等各須預先計度準備支遣諸處起發上供金銀錢帛斛料綱運並須赴京送納緣路諸州不得輒有截留如有擅留處其知州軍通判職官等並當除名轉運使副各勒停三司轉運司

發運司州軍孔目吏已下並決配遠惡處帝以三司文籍多是積年淹延因問其故稱諸道上供物色沿路每有截留勘會往來動經歲月因止絕之真宗景德元年五月詔京畿守凍綱運兵士逐處縣分依例接續支口食料錢仍每人特支醬菜錢百文行運時全支二百文更不剋折仍令東西排岸司辦掠房屋綱運到京庫務未納各認排岸司分於其門造飯供送庫務疾速交納不經三司使陳告並當嚴斷十月淮南轉運使邵興請令漕運所出州軍知州通判依河堤例兼管輦運公事從之二年十月詔黃河綱運宜令三司自今後一年般運無踈失者具部轄殿侍三司軍大將綱官綱副每月增給緡錢三年二月詔河西軍營在府州者所給芻糧自今增置渡船仍舊於保德軍請領如水漲米合即聽隨處給遣或預令輦載以往委轉運司專提振之先是河東民常賦及和市芻粟並輸府州而涉河阻山頗為勞苦尋詔徙屯河東保德軍其營在府州者聽量留之而芻粟之費並給於保德軍條約已來公私為便至是上封者言慮水漲冰結則軍士涉河往來艱阻帝志在愛民故特申前詔十月四日提舉綱運謝德權言汴水公私舟船多有阻滯蓋形勢船舫在岸高設檣竿地船不可過也乞降條約每有船過並令倒檣以便於事帝謂王

欽若等曰如聞商旅願以為患可嚴行誠約如尚敢以形勢妨碍令所在
具名以聞當重行罰 十一日都大發運副使李溥言諸路逐年上京軍
糧元無立定額只據數撥發之下三司定奪合般年額三司言欲以淮南
江浙荆湖南北路至道二年至景德二年終十年般過斛斛數日酌中取
一年般過數定為年額仍起自景德四年船般上供六百萬碩永為定制
仍以夏秋稅及和糴斛斛除搭留準備外餘數並盡裝般須管數及年額
內有路分災傷般革不敷額即具保明申奏減免分數從之 四年五月
詔河北汳河州軍綱運自今以軍士充役勿役部民 七月詔諸州遣軍
士赴京東下卸者自今附口糧外月別給錢二百仍撥營屋每使其休息
帝以士卒外役即留廩給之半以贍其家致飢寒不給特優卹焉 大中
祥符元年二月帝謂王旦等曰如聞江淮運糧和顧舟楫商旅趨利阻其
貿易則京師粒食或致增價可令今後不用和顧 二年十月詔如聞江
淮兩浙等路運糧上供雖甚寒不止自今宜準例令軍士休憩兩月三年
九月知揚州許述請兩浙路權罷和雇舟船所募行商得載糧斛以濟經
旱民庶從之 四年十月帝詔示王欽若等發運使文思使李溥陳述年
終漕革之績可特改北作坊使以酬之 五年四月詔淮南堰埭運糧稅

舟軍士四時給役頗勞苦自今冬季並令休息 六年三月詔黃河自河陽已上至三門并峽路河水峻急係山河並依舊條外有黃河自河陽已下并三門已上至渭橋倉并諸江湖淮汴蔡廣濟御河及應是運河水勢調勻本綱拋失重船一隻依舊條徒二年二隻遞加一等並罪止十一隻空船各減一等押載押運節級降充長行綱副勒充梢工使臣人員並替梢工樨手罪各有差如收殺得糧斛即以分數定刑 四月重定山平河虧失棧木條格棧頭以一棧為準頭綱副監官殿侍以一綱為準山河以管平河以杖棧頭團頭以家背償官不足則杖之殿侍杖而勿償初太平興國八年勅定平河條格至有杖背者議者以其太重而山河悉無條格編勅所上言付三司與刑寺評定且請計其所失為十分分定罪止至杖一百從之 十月三司言揚州運鹽四千斛赴杭州凡四十船船二百斛有盜及大半者官司止論走鹵罪杖而免之額容姦弊自今應並船除耗外有隱欺者請令劾罪備償從之 八年四月國子博士夏侯晟等言監百萬倉收到出剩乞行酬獎詔曰自京畿達於淮泗倉庾相望轉漕至多若無增損之欺寧有羨餘之積俾均出納屢降詔條仍覽典司尚形貪吝特申時於舊制表深示於至公罔或損人以圖薄効宜令三司通行

指揮有裝納倉放去處及在京諸倉監官等並須兩平受納不得減剋收
到出剩並不理為勞績但一界了當別無少欠即依元勅施行 五月詔
諸州軍差兵士充梢工主捉綱船者並依牽駕兵夫例支給口食先是淮
南江浙發運使李濟上言牽駕兵士不認折欠仍給口食梢工抱認折欠
陪納官物即不支口食頗未均濟故有是條約 九年正月令內藏庫應
諸州上供天帛內有少少損壞者更不退還諸州初中使江德明勾當庫
因言自來綱輦中有汙損者悉付逐州區斷昨自去秋已來諸道急於輦
運上京欲望有損壞者悉免退還區罰帝曰德明此奏頗有所長故從之
四月江淮發運使李濟言今年初運七十一綱糧斛百二十五萬三千六
百六十餘石自前逐綱一員管押既鈐轄不逮遂多盜竊官物今以三綱
併而為一則監主之人加二俾通管之則綱船前後得人拘轄可減盜竊
內奉職大將三人同押當七十二綱糧斛四十九萬石納外止欠二百石
竊取既少則大減刑責押綱人乞第賜緡錢從之 六月詔清河并江湖
綱運梢工盜取官物却以他物件和有人告訴者如一船內只伴和數少
不曾故意沉溺舟船者只將已伴和却贖糧官物石斗數目估償直每一
千省支與告事人賞錢百文如估直至五百千已上者止給賞錢五十千

若估價不及一千者亦依一千例支賞並以係省錢充先是李溥上言元勅應盜官物并雜以他物及故為僥倖沉溺舟船者如有人告獲每一船給賞錢三十千二船四十千三船已上五十千官司執是法以罪而不分輕重之差乞別行條約故有是詔 天禧元年正月詔漕運之務雖國計以攸資舟楫之勞諒人工而可恤其江淮等處上供斛斗特權罷今年春運一次 六月江淮兩浙發運司言真州等處轉般倉及江浙上供米二百七十餘萬斛欲留逐處以濟闕乏從之 八月十一日^注江淮發運司漕米三萬石由海路送登萊密州十二月淮南江浙荆湖制置發運使黃震言承前諸州米綱少欠其部送官員悉均償欠數望令自今止勒元部綱牙校等均償從之官負顯有侵欺者乃償 是月都大巡檢汴口提岸張君平言淮南兩浙荆湖廣南福建路雜般綱運軍士望自今相度地里就本處併給緣路日食免費近京倉糧詔付三司定奪以聞 二年正月荆湖北路轉運使王吉長言綱運所過州軍多給大小麥為兵健日食望令自今並支糴米從之 二月詔御河押運三司大將軍將殿侍并見在本河押運人員等並令於元定二十萬物色上更添五萬共作二十五萬如三年前滿得替自能於萊發去處認數裝般及得二十五萬數即依例

引見酬獎或內有元差諸處衙前請般物色其押運大將軍將殿侍等只是
管押綱船不曾任數裝般官物亦須及得三十萬數別無損濕少欠拋失
違程及雜犯罪愆亦許依例引見酬獎 四月江淮兩浙發運司言今春
發諸州軍銀帛絲綿五十五萬五千計糧儲四百十七萬石上供帝曰江
淮方檢宜令更留二三百萬石以充軍糧免其擾民從之 閏四月詔三
司所般布帛除已般輦外所餘者並於水路般運上京無復差數車乘
六月三司言汴河綱船除二百五十料至三百五十料者已自楚州五運
泗州六運更不增力勝斛斗其四百料已上至五百料綱船欲令並增力
勝從之 九月十八日詔三班使臣部送益州綱運至荆南無遺闕者自
今每運賜錢十五千三司軍大將十千 二十八日三司言江淮兩浙荆
湖五路押綱般侍自來不許般家望自今許挈家隨行所貴就得請益受
用勸心從之 十月七日三門白波發運使杜唐言自今有拋失收救到盜
糧及諸官物許本司差隨處地分官員躬親點檢送官從之 十九日淮
南江浙荆湖制置發運使賈琮等言綱運兵梢多是盜拆舟船板木貨幣
致官綱於江河行運闕少動使多致疎虞望下開封府發運司諸路轉運
司令遍行指揮逐處排岸司及地分巡警軍人常加察舉從之 十一月

詔諸路州府軍監自今後應起發上京綱運所差因便押綱得替幕職州縣官等並給與驛券仍令起發綱運州軍責勒文狀委得在路躬親鈐轄依程赴京不得取便別行犯者從違制定斷初邵武軍得替司法參軍路在押綱赴京而中路擅自離去為本軍所奏故條約之 三年正月殿中侍御史王縝請下發運司自今糧綱十分人七分差兵士三分給和雇工錢詔令令多差軍士相兼勿得專雇人夫仍令轉運使提舉 十一月詔荆湖 浙淮南水路綱運自來隨船動使鋪襯苦蓋之類官量給數餘並綱官率掠兵士士委自轉運司及制置發運司應綱船動使鋪襯苦蓋物並從官給不得更令兵士出辦 四年三月三司言前詔江淮兩浙荆湖五路部綱殿侍聽挈家屬隨綱其惠民石塘唐濟御蔡河押薪炭者亦望如前詔從之 五年十月詔獎淮南江浙荆湖發運使周寔以其自春至冬運上供未凡六百餘萬石故也 乾興元年三月仁宗即位未改元三司言兩浙荆湖產茶州軍準大中祥符三年勅須預辦人船及時計綱發赴合納權務下卸不得積留在彼擅惠官茶及有誤出賣虧失課程諸州軍近年多不依限起發欲乞明立科條須限當年江河水勢未落日而盡赴逐權務交納不得延至秋冬致水小阻滯如今後公然怠慢不預計置

般送致有稽違並委制置司取勘官吏情罪內干繫人依法區斷命官使臣取裁從之 仁宗天聖元年三月三司言提點倉場所奏請事件內綱運載斛斗上京內有濕潤即監鑲梢工綱官攤乾比元樣受納若無欺弊從不應為重斷納外有少欠亦取勘情弊依條施行省司看詳報綱梢工綱官濕潤斛斗已有條例斷遣外押綱人員未有條貫欲乞今後如有濕潤斛斗船五隻以上其押綱殿侍軍大將答二十三隻加一等罪止杖六十委排岸司勘罪申解赴省斷遣如一年內兩為濕潤斛斗該杖者即勒下每裝發綱運委知州通判或本判官兵馬都監監押排岸使臣在倉提點兩平量不得虧損綱運許押綱人員指索布袋封記乞行盤量如是比元樣虧少並勘逐元裝發倉分監專等情罪依條施行又自京至泗州催綱更不差使臣三人只令內侍曾繼華乘遞馬往來覺察催促綱運巡捉偷糴拌和提點沿河地分都監監押巡檢催綱使臣令佐等依先降編勅施行仍令各置厯每巡捉到公事並令所屬州軍批書候得替繳連申奏量與酬獎違者勘罪聞奏又每綱船至雍邱令本縣兵馬都監具過橋牒報東排岸司預定下卸倉分及安排岸司候到差人勾催不得住滯隔焉如違許人陳告不虛支賞錢五千以下鑲抽稅力勝錢充排岸司官更並

當嚴斷又自今起運時選差使臣忠佐一人監催下卸搜檢空船不得隱藏官物沿河排那泊處除押綱人員船外不得存留燈火偷糴拌和或綱船津漏勒兵梢走報押綱人員取燈火與地分巡檢同共覲步愛護官物不管疎虞新城外委巡檢開封陳留界汴河魚巡捉催綱使臣依此施行押綱人員能自部轄緝捉梢工愛護官物不至入水拌和每運倉司看驗並是乾圓即令批上印紙照證至得替一界並不曾有斛斛濕潤更與押綱一次其年終般過斛斛地里合該酬獎人數不在此限如或不切用心鈐轄稍有彰露即依法科罰並從之 四月詔淮南居河路縣分應造下土珠土纏擬要賣與綱運拌和斛斛人等已有天禧五年十二月除貫自今仍許隣人及諸色人告捉送官勘逐不虛並支與賞錢十千以犯事人家財充應斷遣後與舊居止處人別生離搬移送隣近州縣不居河路去處居住隣人知而不告別致彰露並重行科斷如不知情止從不覺察於杖六十條斷遣 五月詔自今般藍船至京交納數足外元破在路耗藍每席二斤半數內却能愛護不致拋撒留得耗藍於十分中量破二分等第支與押綱人員等充賞每收五席只以一席錢均給押綱省負數侍綱官等每人二十副綱一千梢工每席二百文其人員綱副收到五席已下

梢工收到一席已下更不支賞人員并綱副須是全綱逐船各有出剩即依此支賞若或綱內雖船數出剩其餘船却有少欠不在支給之限是月三司言黃汴河勾當使臣年滿得替裁種榆柳及得元條例與家便差遣其緣汴河都監監官等每有綱運經過並不鈐轄斷絕乞今後各令於地分內催促綱運依日限出地分及令本處使臣遞相置厯抄上到發月日候催促出地分於界首候臣處印押如內有故住却日數亦須開說即不得妄外取索綱運申報候得替除裁種到榆柳及充條數目外須是將催過綱船月日抄上厯子令州府與裁種榆柳一處繳連申奏及捉到偷糴拌和斛斗及少數目係甚刑名斷遣批書分明方與酬獎從之七月詔自今汴河糧綱到京納外少欠除依例給限填內不足許將綱梢等合請糧食令排岸司勾索隨綱券厯點檢具合請人數則例送糧料院據見管人合請糧食數目明批勘聲說坐倉不請充填欠數仍當日內依厯具逐人名下糧斛色額石斗印書公文送排岸司照會銷欠外有剩數即令向下勘請不得在京批勘若填外尚有少欠即依條施行八月詔淮南江浙荆湖逐年起發上京斛斗近多不及元定額數宜令逐路轉運司依先降敕命所定年額合般斛斗數目預先計度用心擘畫須管數及年額

仍發運司不住提舉催促不得更致虧少 十月淮南江浙荆湖制置都
大發運使趙賀言荆湖江浙路逐年起發糧斛錢寶并茶貨鹽貨不少全
藉綱運往回疾速方獲辦及却被沿路經過稅務不便照檢發遣多是住
滯深見妨滯行運欲乞嚴戒沿江河州軍商稅務自今綱運經過如敢住
滯並乞勘罪斷遣仍據住滯日分虛食請受攤賠監官亦勘罪行遣從之
二年十月三司言御河牽駕糧船兵士每年至綱船守凍住運放歸本營
歇泊從之 十二月詔真楚泗三州排岸使臣並令發運司同罪保舉當
親民差遣 三年十月十二日詔江淮兩浙荆湖北江河州軍排岸催
綱巡檢使臣自今綱船到地分畫時審看風色催捉起離不得勒住今供
到發文字及勾索行程批書寔有沿路阻滯本綱將到行程即依條保明
批書發遣如更故違或乞覓錢物其干繫人並乞依條勘斷又逐處轉般
倉監官須是公平裝卸不得大納小支收到出剩不批上厯子至替日傳
但一界給納了當即特與酬獎應轄下州軍每遇裝發糧綱先勒押綱人
員入教看驗斛斗如是涼冷即責綱眾結罪文狀裝發若斛斗發熱即倉
司併役人力般騰出教就廊屋攤浪冷定後裝發又和糴斛斗裝發至卸
納倉場如驗得虛弱不堪上供即委知州通判入倉同與監官集綱梢人

員對衆省驗如寔麓弱不堪卽勒行人估定紐計虧官價錢并在費般革請受牒元羅州軍勘斷監專斗級於合分攤人名下剝納入官雖遇赦恩不得除放二十三日三門白波發運使張慎言綱運每有他失官物久例取憑地分村耆并全綱人照證結軍令罪保明除破官物玆詳編勅止說先取責全綱上下遞相保明軍令罪狀卽與本縣官員覺察保證深慮村耆與綱司扶同欺弊乞自今有諸綱拋失盜糧稍柴諸物令本司差所屬縣分令佐親詣拋失處覺察有無情弊保明關報本司所責照據分明免有欺弊從之二十七日舒州言皖口都鹽倉自來差殿侍三司軍將押綱到彼下卸本州止差里正軍將交納每一界計鹽百餘萬斤自乾興元年已前累界支賣漏底例皆欠折錢一二十貫蓋是押運人員欺以鄉民里正生疎多將盜貨侵偷貨賣或入雜伴和歌壓秤勢斤兩不足是致支納後漸次銷折自天聖元年後來等畫將衙前職員自都知兵馬使都押衙已下至通引官已上以職名資次與里正軍將新人相兼勾當並得斤兩齊足無拌和之弊迨界鹽倉支賣了當仍有出剩又本鎮賣鹽課利比附過年增至三五倍之下本州常切遵依從之十二月十二日詔自今裝載揚楚通泰真滁海濠州高郵連水軍等處稅倉和耀斛斗並依裝

副本有玉海
一條附注

轉般倉斛斗空重力勝例並以船力勝五十石為準寔裝細色斛斗四十石與破牽駕兵士一名其空船亦依差裝轉般倉例二十四日詔自今應請般小河運糧監人員坐船許令只裝一半官物餘一半即令乘載家計物色所貴人員易為部轄免致兵梢論訴四年五月二十一日詔制置發運司兩浙裝蓋舟船合用鋪襯荷葉簾蔭等物舊止令兵梢出備以此之故多有率掠及別致侵盜官物自今並從官給閏五月臣僚上言經過荆湖江淮四路州軍體問逐州在市米價或七八十有至百文足者率言州縣和耀場緊急欲罷及萬數充郡秋稅斛斗上供小民鬻食代覓咸平景德中發運司過年上供斛斗不過四百五十萬是時江淮人民富樂國家儲蓄有備其後本司惟務添及萬數以為勞績比至近年上供已及六百五十萬欲乞先勘會在京見管斛斗數即於咸平景德已未逐年上供數內酌中取一年立為定額詔下三司詳定三司言勘會在京所支人糧馬料斛斗萬數浩大全籍向南諸路船般應副今欲酌中於天聖元年額定船般斛斗六百萬石上供數內權減五十萬石起自天聖五年後每年以五百五十萬額為額從之十一月詔温州所支綱運兵梢綱官轉海至明州添支米人日一升半元破四十五日內有船或遇便風時月

別無阻滯及軍稍用心撙節轉海行運不約日限到明州本鎮其餘日添支米舊合同納自今與免剋算填官一例消破 十二月河北轉運司言德州將陵知縣張存中昨撥定額殿侍黃志蓋玉馮信張榮王克明等五綱赴縣交裝支下保趙州安肅信安順安軍斛斗內有張榮經今半年並未曾到縣馮信曾裝斛斗一轉赴順安軍又却於別州軍裝載雜物過往向南州軍今及四月有餘未迴體問得止是押綱人負避見裝載斛斗多於逐州軍私相計會截撥裝般錢帛雜物務要萬數益多苟求遷轉遂致沿河州縣斛斗積壓年深枉有陳損蓋條約未備因緣為茲欲乞檢詳御河押綱人負條例於三年所般三十萬官物數中別定須得兼載斛斗三萬已上如般過錢帛雜物萬數雖多亦不得準折充數如此不惟止絕得綱船並連棹門兼向去沿河州軍亦可廣謀計畫當司相度欲依張存所申其般三十萬官物數中須令兼般斛斗三萬石方得理為酬獎事下三司勘會河北沿邊居河路州軍所要支賠軍儲自來全藉潮御河相兼輦運般供欲自今押運省員殿侍三年內般輦諸官物數中斛斗須是般及細色軍糧三萬石已上如般麁色即依倉式例準折責使押綱人負各自用心赴逐般輦軍糧應副沿邊支用從之 五年八月江淮發運司言管

押汴河糧綱殿侍軍大將崔條四百料至五百料綱船自今楚州般得四
運斛斛及三萬六千石已上泗州般得五運斛斛及四萬二千石已上到
京卸納了足及經冬短般至年終無拋失欠少即依條酬獎近年諸綱才
般及一兩運斛斛便於逐處排岸司僥求借撥別綱舟船相添般運要赴
酬獎本司見行撥并汴河每五百料船二十五隻為一綱四百料船三十
隻為一綱應副赴辦酬獎欲乞今後汴河糧綱不得更於逐處排岸司借
撥別綱舟船般運如違並當依法勘斷仍至年終不為勞績從之 六年
二月虞部員外郎蘇壽言近年少有泊船到廣州其管押香藥綱使臣端
坐請給欲乞抽歸三班院別與差使自今遇有泊船起發香藥綱即具馬
遞申奏下三班院逐旋差使臣往彼從之 三月二十三日三司言制置
發運司言準編勅諸河押綱殿侍三司軍大將應杖罪如不係上京內三
司軍大將即就近送本路轉運或發運司勘決訖其所犯因依斷遣刑名
申省其殿侍即勘罪申省降杖區分仍並令依舊押船其徒罪已上並差
人替下押赴省發運司勘會諸河押運殿侍為有上項條貫多不用心信
縱兵梢作弊侵欺損失官物雖省牒降到合決杖數又緣行運往來無定
不時決遣或該遇赦宥是致全無畏懼今檢會天聖四年至五年共有殿

侍二十四人違犯拋失偷侵少欠茶鹽糧斛並該赦放罪欲乞自今諸河
押綱殿侍不係上京或有罪犯徒已上依元條替下申解赴省若該杖罪
乞依三司大將例近就申送轉運發運司勘決訖申省從之 六月制置
發運使鍾離瑾言江浙荆湖諸州軍逐年買下茶貨般裝赴沿江樵務及
淮南州軍綱運或遭風拋失全綱載不收其綱梢人貨依編勅等第斷遣
其茶貨便即除破若綱梢人員收救得水濕茶貨到却納處將茶味定驗
分數勘斷後紐計虧分價錢剋折軍人請受填納切詳全載不收決訖
放收得分數即已科罪又更剋納虧分價錢以此條約不均是致茶綱每
遭風水皆不肯收救枉失官物欲自今應茶綱遭風拋失兵梢自能用心
收救即差官點檢委寔別無欺弊與依編勅取責一綱上下地分村耆等
人結狀無虛偽罪狀勘逐綱梢人員依法施行所有收救到茶貨至卸納
處只據見在分數收納入官更不紐計剋納虧官價錢若在路不切愛護
致有水損但不係遭風拋失收救到茶數即依元勅剋納虧官價錢從之
九月嘉州言據行迴正帛第二綱上運三司軍將張永祐申昨準荆南
排岸司差撥本綱謝進等舟船四隻并元駕兵級三十人載送新授閬州
司理叅軍薛儲上水赴任又申楊順手下人船亦準荆南府牒差撥載送

新授歸州判官元泊赴任又却準歸州差載送本州得替知州下往荆南
未迴切緣當州逐年載運益州等處布帛十綱赴荆南近來向下州軍報
將布帛綱人船與川峽荆南官員赴任得替擅便於綱運內抽射人船不
惟久占舟船在外并帶領兵級虛破口食乞嚴降指揮止絕詔下三司定
奪省司言緣在京四排岸司迴脚空船官員指射乘載赴任已有編勅其
川峽迴脚空船即未曾明立條貫欲自今川峽赴任并得替官員如委的
係沿江地分該得空船迴路即得指射一隻因便乘載不得迂迴往復占
射別致往帶有妨輦運如違其元差綱船干繫官吏必行勘斷仍據往復
支過兵梢人負錢糧口食勒令均攤陪填入官從之 十月三門白波發
運使比部員外郎盧隨言點檢本司押蓋綱船殿侍軍大將或有拋失舟
船臨時旋於諸處申報患狀要免科罰代緣殿侍將軍大將三年如無拋
失罪名便該酬獎今既見拋失却與綱副上下扶同作倖稱疾要免科罰
欲乞自今如有拋失舟船其殿侍軍大將信縱有申報患狀並不免拋失
罪名所貴社塞偉門一向用心部轄從之 七年三月十六日屯田郎中
李壽言泉州城當二江會流綱船順流至者多為風惠漂溺舟人不敢收
救蓋以救條全綱沒溺或收救足數方免罪若失三五分須責備償之故

凡有沒溺不復收救望別為條制事下三司三司言請所陳太過望委轉運使叅議乃請自今於古灘暴風溺舟者責部綱使臣集近村耆保併力援救若全綱失者篙工梢工皆杖一百主吏使臣違減一等所溺物計為三分須備償一分如救及分別無侵欺者原其罪從之六月七日三司言益州路轉運使高覲言乞今後管押布綱使臣省負三運全無拋失不還元限三司軍大將三班差使殿侍乞與改轉其使臣未親民者乞與家便差遣已親民者乞與五年磨勘如是使臣省負弛慢沿江拋失官物及注滯綱運有還元限乞自當司取勘情罪申奏乞行衡督省司檢會使臣差益州押足帛綱赴荆南下卸別無拋失每運支官錢十五十軍大將十千文天聖七年勅今後川峽行運布綱拋失官物若全拋失收救不獲其本綱梢工棹手各斷杖一百配別州軍牢城收管綱官節級各杖九十押綱使臣各杖八十並勒下不令押綱或十分中收救得一分已上依全拋例斷遣二分已上至四分已上梢工棹手綱官節級使臣殿侍省員每一分各遞減一等斷遣訖梢工棹手勒充軍牽駕兵士其綱官節級已上並依舊押綱或收救及五分已上不滿元數梢工棹手各杖六十綱官節級人員各笞五十使臣殿侍省員罰一月食直斷訖並依舊行運所有綱官

節級人員使臣殿侍省如遇本綱更有拋失據隻數每一隻加一等罪止杖一百其罰食鹽加入筭五十仍並據拋失收救不獲數目勒本綱上下等第均攤陪納入官若收救官物並足不失元數梢工棹手各筭四十綱官節級已上並放所有行運程限仍須限一年往迴嘉州排岸司候行運日出給行程付本綱收執所到州軍批書到發時日阻滯因依候迴嘉州委排岸司點檢如有不因風浪故作拖延有違程限並依法科斷仍罪止杖一百若違限三月已上其本綱梢工棹手押載綱官節級人員押綱使臣殿侍省負斷訖勒下不令押綱省司者詳錄有上項實罰條貫所奏難議施行從之 二十五日三司言臣僚起請兩川四路物帛綾羅錦綺絹布絁綿每日綱運甚多通鋪常有壓積其餘藥物更有水路綱運不可勝紀且兩川之富出產雖多計其地利亦有窮竭科率之時不無擾人般運不絕物價何由賤平伏望兩川所發綱運以一年計其數目於內詳酌不急之物量與減放三二分省司看會益州路收買鬱金大黃夔州路收賣藥子每於足帛綱內附載往京南轉附赴京今藥密庫各有見在欲自今於每年買數十分中量減二分從之 十月三司言三門白波發運使文洎奏般鹽條件白家場去河中府五七里三門集津梁鹽務去陝府四十

五里乞委兩處同判依例充季點納下蓋貨及乞許三門發運使判官提舉點檢每年上供蓋欲乞鈐轄支裝堪好明白蓋席分明定樣兩平交裝上船無令秋壓秤勢及戒約押綱人員鈐束梢兵愛護不得信縱偷盜拌和到京於都監院交納後有少欠拌和不堪蓋數即申解赴省勘罪依格條等第斷遣沿路偷賣蓋貨其買人多鄉村充惡之輩販賣取利地分巡檢村耆人等隱庇不言欲乞下本司檢坐元降告捉偷盜官物支賞條貫遍牒沿路州軍出榜曉示許人首告勘逐不虛依元條支賞外如五十斤已上告人二稅外免戶下一年差徭百斤已上免二年差徭犯人如赦後再犯充惡不可留在彼者斷訖配五百里外牢城所犯重自依重法經歷地分巡檢村耆人等知情並依法嚴斷綱副知情自依本路若不知情亦乞依糧綱偷盜斛斛例於本犯人名下減三等定斷其在京蓋院所納船般蓋貨並須公平受納不得欺壓秤勢支絕縱有出剩不為勞績但一界別無少欠即依元條施行監官三司申奏下三班審官院磨勘施行蓋綱如納正數足外收到水路蓋出剩不以席數並盡數正收入官申着檢會天聖元年敕只於在京支給賞錢其蓋院監專不得隱落故意不收如稍違犯並行勘斷從之

八年正月三司言廣濟河都大催遣輦運任中師

奏乞自今本河每年逐綱約定地里所般斛數目量與酬獎省司檢會編
勅運河押綱使臣人負等一年之內全綱所般斛斛依得萬數候住運日
令發運司磨勘內梢工支錢三千綱官支五千管押人本司具勞績申奏
重將與轉大將使臣即與引見酬獎并年終住運除全綱一年無拋失少
欠依前項施行外所有一綱之中內有梢工至年終委寔逐運別無少欠
拋失亦與據梢工人數支賜賞錢其本綱人負綱官即不得一例酬獎如
梢工接連三年各無拋失少欠除支賞外與轉小節級名目便充綱官勾
當若充綱官後相接更二年全綱並無拋失少欠支與賞錢一千更轉一
資又編次應差押運省員殿侍三班借職等每人各給印紙五十張充歷
子付逐人收掌據逐運送納官物有無少欠行船違與不違程限及拋失
舟船雜犯愆罪並於催綱裝卸排岸司批上歷子年滿得替赴省投納比
較磨勘如逐人合該年滿得替別無少欠官物及愆罪量與酬獎今相度
廣濟河押糧綱軍大將殿侍三年內般過斛斗別無少欠已依條申奏乞
量與酬獎其本河梢工綱官即未有條貫欲乞下廣濟河軍運司今據廣
濟河糧綱如一年之內般得鄆州徐州淮陽軍三運并曹州廣濟軍濟州
五運斛斗至京交納並無少欠過犯候住運日令軍運司磨勘其綱梢令

比附汴河酬獎體例特支錢一千梢工接連五年各無拋失欠少除支賞
外與轉小節級名目便充綱官充綱官後及已充綱官人相接三年全綱
並無拋失少欠支與賞錢五千更轉一資從之 三月三司言河北都轉
運司言相度今後正受潮御界河催綱官員使臣三年滿日催般過斛斗
比附已前年分般過數多兩陪即優與陞陟差遣若緩急遣上闕少軍糧
權於轄下州軍選官催驅般運斛斗一年內般得鹿細色及十五萬石亦
與陞陟差遣所有押運省員殿侍等亦乞每人押船二十隻如三年內只
般得細色軍糧七萬石已上別無拋失違程少欠諸般罪犯便與例酬獎
即更不拘年限如有鹿色依倉式例六折充填若舟船緩急撥裝別物三
年內般不及數只據般過數比並依舊定萬數施行省司看詳其權差催
綱官員使臣緣催綱斛斗數少酬獎甚優更不差遣施行所是正授潮御
界河催綱官員使臣并押運軍大將殿侍般運斛斗欲乞並依河北轉運
司擘畫施行仍候催綱官員使臣三年滿日得替委自轉運司將一界催
般過數開排逐運元裝州軍至卸納去處附帳收管月分及將前米三年
權般過萬數一處立項紐計比附委的多兩倍已上合該酬獎即具詣是
保明申奏數目押運軍大將殿侍如三年內自近裏州軍般細色軍糧七

萬碩已上赴沿邊州軍卸納依例酬獎仍令黃河御河都提轄司保明申
本路轉運司繳連申奏若三年內般不及上件數目只乞依舊定萬數施
行從之 七月益州路轉運司言奉詔相度置催綱使臣具久遠利害以
聞者竊緣當司每年起撥水路布帛牛皮綱運下往荆南卸納自離嘉州
江岸經歷過梓夔州路直至荆湖北路地分沿江州軍過往尋移逐路轉
運司就近相度一准逐路牒添置一員使臣必免綱運逐處作弊端坐販
買物色人負兵稍虛費錢糧深為不便詔差供奉官李蟠乘遞馬往益州
路轉運司取會文字勾當自嘉州至荆南催促起發布帛牛皮等綱早赴
荆南下卸綱官梢工水手兵士等多是沿路住滯買賣與販既被押綱使
臣催趕却言前路嶮峻行船不得及放船於灘磧上住泊故要疎放連累
使臣枉壞官物及不伏鈐束如有違犯即送隨處州府勘逐情罪依法斷
遣情理重者配遠惡州軍牢城押綱使臣等公然容縱不切鈐轄致違元
恨催綱司具職位姓名申本路轉運使乞行勘逐李蟠常切往來提舉催
促不得只於隨處州軍端坐如違亦當勘斷及下益州路轉運司量差人
船付蟠隨行仍備錄宣命於沿江州軍要便處粉壁曉示 八月十三日
審刑院大理寺言楚州奏自來領勘偷盜動使梢工並從監主自盜律初

科斷今新編勅內偷拆官船釘板等貨賣者當行決配又條當行決配者具奏聞奏州路居衝要日夕過往綱運不少常拆賣釘板兵梢若或逐度禁奏非唯煩煩朝廷寔見虛有淹禁欲乞立定刑名許令斷遣眾官參詳欲自今應梢工偷拆官船釘板之類貨賣者計贓從監主自盜法杖罪決訖刺配外牢城徒罪決訖刺配里外牢城徒罪決訖刺配外牢城徒罪決訖刺配至死者奏裁從之二十一日三司言據荆湖北路轉運司狀荆南府隄省牒勘會昨於天聖五年為般運布帛入城遙遠擘畫於沙岸堤內起蓋布庫委自沙市巡檢兼排岸提舉巡防每益州布綱到岸只就江岸點檢對交與上京省負如未有綱次般赴沙市布庫送納及排岸司狀益州布綱到岸出卸未得兵士在綱空閑岸司量差借應副諸處工役如本綱交卸却便勾抽歸綱般卸畢如有歸峽州般取官物依例搭載前去盡時押發離岸別無妨滯當司相度到屯田郎中劉漢傑等奏益州布帛等綱兵士自來阻風水行船未得被沿江州軍差役泊到荆南官物纔卸本府又差諸處工役當直乞今後禁止其綱到荆南沙岸與限五日下午卸二十日管畢詔益州布帛等綱在路除沿江州軍的然值風水行船未得兵士空閑者許依例差役如無阻滯不得擅差有妨行運荆南更不得抽差工役當直限五日內下

卸二十日卸畢更半月起發其附載生銅馬藥等自岸般入府城約十五里赴雜納物等庫送納並係本綱差人津般虛有住滯仍委自荆南量物斤重更於本府差兵士同共般赴庫送納務要本綱不違程住滯 十二月二十一日三司言左班殿直趙世長先差廣州押香藥綱上京三運了當各有出剩合依勅酬獎詔減一年磨勘 二十二日三司言今後西路般蓋綱到京交納數足外如本綱收到已破耗蓋出剩數目五席已上人負支錢一千二百綱官一十副綱八百十席已上只倍此數梢工每席支四百充賞其人負綱副五席已下及本綱內有拋失少欠并梢工收到一席已下即不支賞錢所有緣河諸處交納蓋貨本綱有收到出剩蓋席仍依在京則例支給一半賞錢永為定制從之 慶曆七年九月二十九日發運使柳灝言淮南兩浙路運河久失開淘頗成堙塞往來綱運常苦淺灘今歲夏中真陽兩界旋放陂水仍作渠子僅能行運久積泥淤底平岸淺貯水不多易為滿溢連有雨澤即泛斗門堤防不支或害苗稼切以東南一方諸路百郡蓋糧錢帛茶銀雜物凡所供國贍軍盡由以此河般運若或仍舊不加濬治將見多滯綱運有悞歲計欲乞應運河經歷州縣委逐處官吏預計合用工料開去淺灘須得深至五尺仍於開汴口之後未

行運已前下手令逐處以廩軍及住綱兵士如闕少即量差人夫入役依
例日給口食仍乞今後每二年一次准此開淘從之 嘉祐二年十一月
十三日三司使張方平言備儲廩通漕運當令河道疏通故藝祖開國首
浚諸河按汴渠本禹迹也春秋時已各見諸經歷代皆嘗濬之隋大役民
開鑿始名通濟渠自漢至唐雖都雍洛凡諸水運咸資此渠漕引江湖利
盡南海天聖已前每歲開理綠河器備名品甚多未嘗有堙壅也天聖初
有張君平者陳利見始罷春夫繼以淺妄小人苟規實利省減役費以為
勞績致茲於塞有妨通漕至於惠民廣濟二河皆所以致四方之貨食以
會京邑軸輻相接贍給公私近年以來悉皆填壅蓋圖長利者不恤於小
費期永遠者無憚於一勞伏乞朝廷訪問差擇稍知水利精力幹事不以
文武官兩三員經度計置開通諸河令據檢計盡功料疏理其木岸堤開
堰壞財用合繕修處先為計備嚴為責罰必令經久去歲京畿大水壞官
私廬舍自去秋至今春半年之中所修諸軍營房十餘萬間夫以國家物
力豈有不可成之事但事敗於因循而成於果決至於其所不獲已亦必
成而已又諸修造無名不急之處土木之工無時暫輟所費不可勝計此
諸河道皆是祖宗留心之地國家大計所資忽而不圖是亦有司之過矣

詔應通行漕運河道宜令三司下逐地分當職官吏檢計的確功料米春盡
功開淘須管通快仍令都大提舉河渠司更切提轄摩畫施行勿令稍有
阻滯 三年八月詔三司以淮南上供米十萬碩錄惠民河以饋京西路
十一月詔曰國家建都汴仰給江淮歲漕資糧溢於唐漢翳經制之
素定有常守而不踰六路所供之租各輸於真楚度支所用之數率集於
京師以發運使總其綱條以轉運使幹其歲入荆湖舟楫回載海鹽淮汴
舳艫不涉江路方冬閉塞役卒得以少休近歲因循茲事從而遂廢吏緣
為蠹入實告勞比飭彼司遵用往則曠歲於此格詔未行豈發運使不能
絕綱條而轉運使不能幹歲入哉今茲講復皆本故事維爾職厥則有謹
罰其令江南東西荆湖南北路兩浙轉運司限一年各造船添梢工及駕
船卒團成本路根綱自嘉祐五年為始止令逐路據年額斛斛般赴真楚
泗州轉般倉却運鹽歸本路發運司更不得支撥裏河鹽糧綱往諸路
初發運使許元言江南東西荆湖南三路上供斛斛舊皆逐路載至真楚
泗三州復載鹽以回而汴船不出外江謂之裏河綱每歲往來四運入京
乃數上供之數至十月放牽駕兵卒歸營謂之放凍比年諸路轉運司年
額不敷發運司不放兵卒歸乃令出外江沿江州軍載頭運故諸路糧船

大半為難般綱唯要發運司般蓋往逐處運米而還且汴船不諳外江風水沉失者多朝廷累下三司條利害既從許元議而會元罷去不即行故特降是詔 四年八月都水監言河北提點刑獄薛申言御河運路雖曾畧通漕運於今復已梗澁蓋今春差官檢討差晚已難得人工故措置非便即大河汎漲又非其時阻節公私輦運今冬須霜降水落經度檢討候春天興工事當辦集監司者詳欲依所請下本路提刑司今冬據河合行開修去處子細檢討合役工料春天興修貴通漕運不阻舟船從之 治平三年九月詔淮南江浙荆湖制置發運司若江東西湖南三路往時皆轉運許出汴河粮船七十綱以漕 初許元言江東西湖南三路往時皆轉運以本路綱漕斛斛至真楚泗州轉般倉即載蓋歸本路汴綱止漕三州轉般倉物上供冬則放漕卒歸營至春乃復集近歲諸路因循綱多壞乃令汴綱至冬出江為諸路轉漕漕卒不得歸息良困苦乞詔諸路增修粮船載年額至真楚泗州却如故事於是言利者亦多以元所言為是朝廷為詔諸路如元奏詔出久之而諸路綱尚不集嘉祐三年十一月乃勅諸路限至五年汴綱不得復出江比及五年而諸路船終少發運司又屢奏乞令汴綱出漕而執政輒以中旨詆絕之諸路既患船不給而汴綱以出江

為利既不得出兵梢訖冬坐食而苦不足皆盜折船材以充費船愈壞漕
年額又愈不及執政初但欲漕卒得歸息而近歲糧綱多和顧夫兒每船
卒不過一二二人既少至冬當留守船又寔無得歸息者至是乃詔汴綱出
漕然尚限數其後遂復許以皆出如故矣

宋會要

食貨 水運

治平四年十月十七日神宗即位未改元准江寧等路發運使沈立言

近三司擘畫汴綱與人私載物貨許兵稍論訴並依條斷遣緣兵

稍多是充惡身分衣糧剋折不全惟務侵盜如人負部轄整放可

搭載私物了當斛斛若許告訴則互相疑貳經久轉至作弊敗壞綱

運乞約束應係綱運今後不得大段搭載私物及有稅物到京並盡數送

納稅錢如違犯並依條斷遣其近降許令兵稍首告指揮乞不施行詔今後管

押根綱使臣人負等所載私物並依舊施行前詔更不行用 十一月十四

日權發遣三司使公事邵必言近准朝旨下江淮發運司定到綱船梢工

私載並料違制之罪人員綱官知情即與同罪物貨沒官及給告人充賞

今無故生事創立法則望賜追寢且依舊依從之 神宗熙寧四年五月

淮南等路發運使薛向言諸河押綱使臣內有老病昏昧不職之人不能

部轄及同情偷盜官物未有立定體量指揮直至兵稍訴論或因冒呈事

發方論如法如不該停替復得押綱深屬不便乞自今應押諸河綱使臣

委自發運使副及本路轉運使副體量如內有老疾昏昧或人負貪濁踰

違多酒慢公并歷任內曾犯贓私停替之人不堪管押綱運即具事狀以

聞差人衝替如未曾交割綱運管押即發遣歸班所責綱運齊整從之
十年十月二日詔諸糧綱透借并諸般損濕斛斛每綱不及五十碩支充
本綱兵梢月糧口食批上券歷於次月剋折五十碩已上即令變轉收糴
元色填欠如透借斛斛本名正數已足更不坐尺委本倉攤限估賣內逐
船及十碩已上梢工方得科罪 元豐二年五月二十一日三司言糧綱
少欠折會請受聽借兩月行之歲久減免深刑便於綱運近為錢綱少欠
於法未有明文先依糧綱折會法今再相度既借兩月請受慮瞻養不足
別致欺弊欲改兩月為四月各半分折填從之 九月十九日詔東南諸
路上供雜物舊陸運者委三司增置漕舟並從水運 十月二十七日三
司言自今押汴河及江南荆湖綱運請以七分差三班使臣三分差軍大
將殿侍從之 初詔以三班使臣在班常不下三四百員有至一二年方
得遣差者而三司軍大將不足庫務綱運闕人管押令三司議以使臣代
之仍定理任歲限賞罰之法三司乃言汴河糧綱舊法不限分數差遣使
臣其江南荆湖四路許差使臣五分并舊不差使臣路分若悉以使臣代
之祿食視軍大將所貴為多故有是詔 四年七月九日詔應陝西軍須
物可並以舟載至西京界令京西轉運司運致 五年二月十一日罷廣

濟河軍運司及京北排岸司移上供物於淮陽軍界計置入汴以清河軍
運司為名差朝奉郎張士登都大提舉先是京東路轉運司言廣濟河用
無源陂水常置渠以通漕歲上供六十二萬碩間一歲旱底著不行欲移
人船於淮陽軍界上吳鎮下清河及南京穀熟寧陵會亭臨汴水共為倉
三百楹從本司計置七十萬碩上供置軍運司隸轉運司歲減船三百五
十兵工二千七百綱官典三十三使臣十一為錢八萬二千緡下提點刑
獄司按察以為如轉運司言京北排岸司召廣濟河置故并罷之 七月
二十一日御史王栢言昨廢廣濟河軍運自清河轉淮汴入京臣每見累
官京東博知利害者詢之皆以為未便如廣流安流而上與清河汴流入
汴遠近險易較然有殊望更體量詔令轉運提點刑獄軍運司以廣廣濟
河并今清河行運比較利害 六年二月二十四日李憲言臣已修整細
船自洮河漕至吹龍寨俟廂軍摺運赴蘭州詔須當發義勇保甲即依前
詔 九月十五日尚書戶部侍郎蹇周輔言累奏乞不閉御河徐曲口以
通漕運及商旅舟船至沿邊詔本路安撫提點刑獄司與知恩州官同相
度以聞 十一月五日提舉道洛通汴司宋用臣言朝旨歲運糧百萬碩
赴西京已計置截檣東河糧綱至洛口以淺船對裝計會本路轉運司下

却從之仍候未歲終一全年見利害別議廢置 七年三月十六日詔江淮等路發運副使蔣之奇都水監丞陳祐求合遷兩官餘減磨勘三年猶資有差以上批聞所開龜山運河於漕運往來免風濤百年沉溺之患彼方上下人情莫不忻快其本建言及董役成者令尚書司勳賞以聞

八月十九日都提舉汴河提岸司言京東地富穀粟可以漕運其廣濟河下接逐處但以水淺不能通舟本司近修狹京東河岸開斗門通廣濟河為利甚大今欲於通津門裏三十步內城裏三十步內令修城人兵就便開河一道取土修城及置斗門上安水磨下通廣濟河應接行運從之

八年五月四日詔罷運糧一百萬碩赴西京 哲宗元祐六年三月二十六日江淮荆浙等路發運使晁端彥言請應汴河糧綱每歲運八千碩已上拋欠滿四百碩押綱人差替綱官勒充重役滿六百碩軍大將殿侍差替使臣衙替外更展三年磨勘若行一運已上拋欠通及一千五百碩除該差替衙替外更展三年磨勘其初運但有拋欠仍無故稽程至罪止者亦行差替重役從之 四月二十一日刑部言御河糧綱初係六十分重難差遣其後以河道平穩改作六十分優輕今因小吳決口注為黃河水勢險惡乞復為重難從之 九月十六日戶部言使臣人負押監糧綱沒

失少欠該衙替差替者赦降去官不免從之 七年五月三十日詔鳳翔

府竹木棧應募土人以家產抵當及八千貫以上者管押上京如有拋失

虧欠候交納了日給限半年填納數足與三班借職半年外與三班差使

過一年與三班借差過二年即不在酬獎之限其少欠木植名數仍將元

抵當估賣填官 先是熙寧初鳳翔府寶雞縣木務舊係舉人姚舜賢領

將家產抵當獨押修河橋木上京罷軍大將十五人廩秩之費詔從之而

舜賢所押船棧增羨官私利之故有是詔 八年十一月十日江淮荆浙

等路發運王宗望言檢準熙寧二年中書省言綱運豫行修整舟船欲據

合雇人夫工錢十分先支二分候合給工錢只支八分勘會諸綱所借錢

數不多綱梢不免多出息作債及責賒買鋪襯等裝發致錢少雇夫不足

偷侵官物今欲乞十分內先支三分從之 紹聖元年九月七日戶部言

發運司狀每年上供額解及府界南京軍糧動以萬計止管汴河一百七

十餘綱須裝卸行運之速乃能辦集其汴綱在京等處却糧多有少欠綱

分依朝旨並批發下裝發處折會結絕而從來未有立定日限備償明文

欲並依京東排岸司一司式立限備償若裝發處不便結絕自依元祐八

年秋頒勅條斷罪從之 二年六月二十四日江淮等路發運司言汴河

糧綱般過八千碩已上或不滿八千碩拋欠滿四百碩若六百碩者押綱人及使臣乞勒充重役衝替展磨勘三年從之 十一月二十一日江淮等路發運副使張珣言乞添置汴綱通作二百綱從之 徽宗崇寧元年二月八日發運司言乞將諸州借裝官物上京新船並委泗州監排岸官負置藉拘管有人汴舟船當日抄剗及梢工押人姓名並給公據付本綱收執前去不得別有諸般占留差使從之 三年九月二十九日戶部尚書曾孝廣言東南六路歲漕六百萬碩輸京師往年南自真州江岸北至楚州淮堤偃漕水不通重船般剝勞費遂於堰傍置轉般倉受逐州所輸更用運河般載之人自汴以達京師雖免推舟過堰之勞然侵盜之弊由此而起天聖中發運使方仲荀奏請發真楚州堰為水閘自是東南金帛茶布之類直至京師惟六路上供循循用轉般法今真州共有轉般七倉養吏卒索費甚大而在路折閱動以萬數良以屢載屢卸故得因緣為奸也欲將六路上供斛斛並依東南雜運直至京師或南京府界却納展免侵盜其轉般七倉所置吏卒及造船場春料場排岸司工匠吏額等及汴河二百納額船共六百艘逐路被兵梢火夫等亦當減省既免侵盜乞貸之弊亦使刑獄少清從之 五年七月十九日刑部尚書王能甫言國家

仰給諸路綱運全賴軍大將管押而無閑防奸弊滋甚欲乞今後已差及見押諸河綱運或得替未到部并有縮繫軍大將應官司雖盡到持旨朝旨抽差並不得發遣從之 大觀元年八月二十八日詔綱運舟船牽挽浮駕之人既出本界仰給沿流糧食而州縣以非本道人兵抑而不支致侵盜綱米餓殍失所可依發運副使吳擇仁所奏綱運管押人經過州縣合該請受不即時勘支趕發以違制論不以去官赦降原減發運司不按與同罪 二年五月七日京畿都轉運使吳擇仁言奉詔四輔各積糧草五百萬內北輔將來計置汴河寄洛口入大河下至臨河縣置車鋪般摺臣今先次相度汜水縣去河約一里有都大巡河廨宇可就本處踏逐倉放卸納就委都大官照管盤裝入黃河船順流入北輔又滎澤縣通洛堤埧開至黃河三十里自來遇汴水泛漲黃汴兩河船棧往來若計置得糧斛數多亦可時至裝發又南輔潁河自長葛縣西四十里堰斷引水東入茶磨向下開修十七里取退水還河足以行運詔擇仁相度條畫措置聞奏六月二十八日詔六路起發綱米於南京畿下卸交量並依在京司農寺條法施行 三年四月二十六日戶部檢會大觀三年四月四日湖南轉運司狀欲將本路見闕押綱使臣下吏部權差使臣奉聖旨據今未見闕

人數並權許見在部小使臣免短使指射每一運如無違欠與減二年磨
勘及支與本資序請給外支破春一道者詳前件指揮每一運如無違欠
減二年磨勘即是尚有違程自合引用元符令二日以上降一等十日以
上不在賞限如有少欠係以全綱數折會填納外欠不滿一釐合依元降
指揮推賞今欲申明行下詔依 四年八月五日戶部言契勘元豐舊法
錢綱少欠折會填納本船少欠滿半釐有斷降之文半釐外計職以盜論
至死減一等押綱官亦有斷罪降等衡替指揮法禁甚明犯者亦少見行
條約一分以上方送大理寺一分以下許於本處折會即是一綱押錢五
萬貫明許欠錢五千貫以下詔依元豐 十月九日詔東南六路額斛復
行轉般之法 十一月十六日臣僚言契勘汴綱使臣等用心鈐束往來
般摺方獲辦集理當立酬賞今相度汴河押綱使臣等任滿無拋失少欠
罪犯亦無違程般諸不了過名者除依元綱運酬獎外更與減二年磨勘
軍大將比折收使若不~~以~~元條酬獎者只與上件減半年恩例庶使激勸
用心整齊行運軍儲早辦從之 政和元年六月二十六日戶部言江南
東路監司亡依依條合運載官物所用舟車之類委當職官臨時依民間
價直僦雇不立定制從之八月八日戶部言乞從發運司請凡諸路州軍

起發上供錢物及附搭金銀錢帛不以多寡並所押人行程當官逐一
批上如不即書及別給文據即乞從收支官物不即書歷科罪從之
二年六月五日江淮發運司言勘會見有事故綱分關人管押乞據踏逐到
軍大將宋瑗等並特行差撥仍乞今後依此指揮本部勘當宋瑗等並係
見押綱運并見勾當專副及得替未到部綰繫之人有礙勅條不合發遣
及乞今後依例特差難議施行檢會大觀元年三月二十八日勅諸路綱
運押綱軍大將見關及年滿綱運無人差撥特召募軍將未足見關及數
應諸河綱運策名今發運軍運轉運撥發鑄錢司下諸州並依都官法用
家業抵保召募土人或衙前吏人充守關軍將就近管押委本貫縣司保
明中所屬州軍審察保明申本部給狀收補充如州軍職官員入仕十五
年以上者與換正名軍將並只管令押本路軍大將綱關其逐處召募到
人仍填見關次年滿替差訖即令所屬開申都官所有向去磨勘改轉及
罪犯並依都官條法都官條保人合用諸司正名二人及令官一員應在
外難得令官為保土人即令召本處有物力人二名衙前吏人一名召本
色二人為保若綱運有輕重不同者令所屬更互差押如有少欠官物合
該差替者發還歸部依條承受差使其本部差去押綱人候召募到土人

即發歸部詔依大觀元年三月召募土人指揮施行 七月十七日江南西路轉運司言本路每年合發上供粮斛一百二十餘萬碩雖許差衙前權押或用土人軍將少有行止之人乞在部進納官銓試不中之人許令注擬管押以三年為任任內無違闕即與依試中人例注授差遣從之

十月八日尚書省言奉詔措置東南六路直達綱欲六路轉運司每歲以上供物斛各於本路所部用本路人船般運直達京師更不轉般仍自米年正月奉行其發運司見管諸色綱船合行分撥應副諸路餘令發運司應副非泛綱運其淮南轉般舊制歲備水脚工錢四十二萬米十二萬碩合令本路提刑司拘收封樁今來初行直達諸路運司竊慮難於應辦每路於上件錢內支二萬貫應副一次所有六路運粮歲認應副南京等處米斛除湖南北數少外欲令江南管認南京兩浙管認雍邱江東管認襄邑淮南管認咸平尉氏陳留更不差衙前公人軍人除使臣軍大尉外許本路募第三等已上有物力土人管押除依募土人法其取請給驛券依借職例支給若曾充公吏人或犯徒以上並不在招募之限招募不足許差見在官又不足即募得替待闕無職私罪非流外官充逐路各差承務郎以上文臣一員自本路至國門往來提轄催促杖印隨行綱運有犯許

催促

一面勘斷請給人從依轉運司主管官例仍給驛券許招置手分貼司各
二人仍與本路轉運司吏人裏理名次升補江南四路地里遙遠更差大
使臣以上武臣一員往來檢察檢察其請給理任依本資序仍別給驛券
江湖綱運管押人如二年般及三運至京或南京府界下卸拖欠折會外
不該坐罪使臣與武二年磨勘軍大將依法比折土人與補軍大將外仍
減五年磨勘再押該賞依使臣比折若一年及兩運亦依上法推恩淮浙
一年般及兩運與武一年磨勘三運以上減二年餘依前法逐路綱官梢
工連併兩次該賞者仍許綱船內並留一分力勝許載私物沿路不得以
搜檢及諸般事件為名故為留滯一日答三十二日加一等至徒二年止
公人欄頭並勒停官司如敢載留人船借撥差使者以違制論截留附搭
官物者徒二年官員衙替人吏勒停所有起發交卸條限與舊不同淮浙
初限三月次限六月末限九月江湖止分兩限上限六月下限十月終般
足兵梢偷盜若諸色人博易耀賣并過度人並同監主科斷至死減一等
並依內提轄文臣候催了日赴尚書省呈納具狀以行陞黜 十二月二
十二日發運副使賈偉節言綱運經由多是於兩界首住滯今來興復直
運須藉稽考欲乞應沿流催綱官司並將所置催綱厯改為催綱簿半年

一易應有綱運出入本界並真書抄轉上簿庶幾易為省覽詔依 三年正月二十九日兩浙轉運司言見奉行直達之法今措置下項兵官差制上綱兵士未有罪賞專法除已將諸州所管廂軍多寡以十分為率每州歲差三分配上糧綱牽駕行運依除一年一替外乞立法請州兵官仕滿如差足糧綱兵士逃亡不及三分之一比附押綱使臣一年三運以上與減年酬獎若歲終差刷不足或逃亡及三之一即乞罰俸兩月若差不及一半或雖差足若逃亡以半以上並乞特行差替仍依課利虧欠法官吏並不以赦原減又本路見管禁軍二萬四千餘人依照寧元符勅令許差下禁軍兼廂軍充知州通判等官負當直近因大觀二年朝旨不許差撥禁軍當直從此盡占廂軍竊緣禁軍自有分輪番次之法即不妨教閱欲乞權依照寧元豐令文許令兼差充那廂軍差上糧綱戶部檢束勅兵梢綱官團頭在路逃亡病患事故並仰所在官司即時填差若不行差撥並杖一百公人勒停今來本司所乞除差撥上綱人兵沿路逃亡係屬本綱其元差處兵官難以認數立罰如差撥數足自係本職亦難比附押綱使臣一年三運以上減年酬獎詔禁軍當直不妨教閱兵官賞罰等並依本司所乞餘路依此 三月八日金部員外郎盧法原言承朝旨差委催督

直達糧綱其批書行程妄破限無緣檢察虛寔欲乞將糧綱行程候回元
裝發官司歲終類聚奏照雨雪風水事故察其虛寔具妄批官司類申戶
部乞行黜責從之 十八日戶部尚書劉杓等言乞應諸路大禮上供錢
物綱並令不許沿流州軍附搭諸般官物如有違犯乞從本所依朝旨送
所屬或鄰州縣官員取勘具事奏聞仍不以赦原免從之 七月二十三
日發運司管勾羅耀顏彥成言綱運自來拋失係地分軍兵及河清馬遞
鋪等人給借濕米雖累借不得過十碩而公私未嘗計之及每月剋折亦
不過三二斗纔還隨借終身不能備償欲應拋失濕米並只許估價出賣
或貸借民戶依法隨稅送納不許諸兵借請從之 四年二月二日兩浙
轉運司言綱運自北入瓜洲閘並係空綱鎮江府江口放重綱出江之時
望瓜洲上口要入往往被空綱迎頭相礙今瓜洲閘外自有河道謂之下
口欲乞自今後北來空綱並於下口出江使重綱於上口入閘極為便利
伏望下淮南轉運司約束施行從之 十一月二十日詔諸路召募到等
第土人押綱初運並令支撥優便去處裝發一次如運內有欠次運即却
入重難無欠者還依前法即撥入重難而一運或次運能補足前運所欠
之數及今運亦無欠者並却入優便去處支裝如違及不依次輒差餘人

者徒二年不以失及赦降原減其諸路綱運見押人如係衙前公吏管押
若已起發並候回本路日別差應入人交割訖替罷未起發綱運並改正
別差人管押從尚書省請也 五年七月九日祠部員外郎胡獻可乞
諸路綱運召募土人除各有已降指揮外欲乞應綱運粟名輕重及理界
年分并理運數並依自来都官差副尉條法施行候界滿日令更互管押
從之 七年二月四日尚書言勘會東南六路諸州軍逐年災發上供額
斛自来立定知通任滿資格輕重未至均當近又因兩浙申請將不滿一
任替罷之人不論到任月日淺深所起斛斛多寡但管勾災發無違限便
依任滿法作不滿三十萬碩例皆減年磨勘今修下條一萬碩以上陞一
季名次五萬碩以上陞半年名次十萬碩以上減半年磨勘二十萬碩以
上減一年磨勘三十萬碩以上減一年半磨勘四十萬碩以上減三年磨
勘從之 五月九日臣僚言取押木棧自来號為重難本臺累據使臣陳
訴工部推恩稽慢有以受納不即報應曲有留滯者有以起發官司尺寸
不同因為阻間者有以外處不能盡知條法而責其必先依式開具保明
者欲望命有司嚴責日限不得曲為沮留以為赴功之勸詔工部限一月
結絕 六月八日戶部尚書劉易言諸路粮綱情弊甚多沿流居民無不

八年三月二十日
何時考宣
和泰年
宗元年
閏月

收買官綱米斛欲令後委逐路官司覺察沿流人戶買官物一升賞錢十貫一斛賞錢五十貫至三百貫止買賣人決配千里外隣人知情與同罪不知情減一等許諸人告捕犯人自首與免罪從之 七月二十一日開封尹王革奏劉鬲所立罪賞已是嚴重無圖之革因緣生姦詐誘兵稍復行告捕欲乞詐誘及故令綱運兵稍耀耀米穀因而告捕規賞者並以被誘人所得刑名決配支實許人告捕糧綱到岸應管勾河岸鋪兵公人岸子之類知情容縱兵稍耀耀綱運米穀乞受錢物計贓並依河倉法決配支實引領牙人并知情停藏負戴者同罪詔改賞錢十貫字作一貫五十貫字作五貫三百貫字作一百貫餘依奏 八年三月二十二日臣僚言東南諸路斛斛自江湖起綱至於淮甸以及其楊楚泗建置轉般倉七所聚蓄糧儲復自楚泗置汴綱般運上京崇寧三年因臣僚建言直達京師致多拖欠邇來召募土人管押般獎百端伏望先將土人選使臣等抵替委發運司計置依舊興修轉般倉候成降賜本錢令轉運司計置斛斛然後罷直達之法詔任諒相度聞奏 閏九月十一日尚書省言直達之法事法詳備有補無損今妄有改更徒為勞費前降指揮更不施行 宣和元年六月十八日詔陳留縣等處應開決河口地速行修閉仍令都提舉

汴河堤岸司洛口都大司依已降指揮疾速放水行綱運不啻小有阻節
令尚書省繼日催促 二年六月十九日發運司言臣僚言東南咸澤召
募土人有物力自愛之民多不應募惟無賴子弟產業僅存及兵梢姦猾
者則旋以百千置產使親屬應募遂補守關進義副尉及得管押萬頃綱
至京欠及一分五釐計米一千五百頃纔得杖罪差替復多引赦用例止
罰銅十斤計一歲六百二十萬頃之數所欠無慮數十萬矣乞下六路應
米麥綱運依法募官先募未到部小使臣及非泛補授校尉已上未許
部人并進納人管押淮南以五運兩浙及江東二十里內以四運江東二
千里外及江西以三運湖南北以二運各欠不及五釐依格推賞外仍
許在外指射合入差遣一次若應募而輒敢沮抑及乞取者並科違制罪詔
依前項先次施行召募土人法並罷其餘應合條畫事件仰陳亨伯趙德
限一月同共措置條畫以聞今條具直達綱差管押人先大小使臣校尉
合注授人次校尉以上未忝部及未到部人次非泛補授校尉已上未許
忝部人次進納文武官次副校尉理當管押水陸重難綱運副尉理當重
格差遣各一次再仕者候到部再免一次進納人免忝部每運至部納成
無拋欠減磨勘三年并押兩運無拋欠者轉一官貢仍減磨勘三年進納

人依正法并押五運無拋欠依捕盜法改換使臣不及一釐謂折舍借納
外不在此減磨勘二年不及二釐減磨勘一年以上副尉依使臣法比折
展年准此少欠坐罪自依本法三釐展磨勘一年四釐展磨勘二年五釐
展磨勘三年一分拋失空重船及十五隻同衝替副尉勒停三分勒停副
尉仍展三期叙罪至衝替以上者奏裁副尉勒停在此押綱人衝替者綱
官配五百里勒停者配千里沿路官司或非本路綱運坐視不問今後拋
失或偷盜並令地分官司限一日具數申發運司置籍輒隱庇或漏落實
數者徒二年申報違限者徒一年發運司置籍候歲終開拖欠地分轉運
司次年依上供條限承認補發外仍各計逐路年額上供數令發運司以
元起發路分年額十分為率計經由路分拋欠數具奏責罰轉運司如在
本路拋欠者同五釐展磨勘二年七釐三年一分取旨自今應綱運經由
地分發運及別路轉運司官覺察偷盜作過及留滯損壞等事任責並如
本路轉運司六路拋失歲終戶部比較三年數申尚書省取旨陞發運司
官其專置提轄官在路拋失自今計本路年額以十分為率責罰令發運
司具奏三釐轉磨勘三年五釐降一官一分取旨經由地分巡捕官司自
今應偷盜軍人公人不覺察者杖一百累及五綱已上者徒一年命官各

減一等即故縱者各加三等軍人公人不以赦降自首原免命官雖會赦仍奏裁若能用心巡察捕獲犯人計贓不滿一貫命官陞半年名次五貫以上減磨勘一年每及十貫更減磨勘半年一百貫以上轉一官諸色人計贓不滿一貫賞錢十貫五貫以上錢三十貫每及十貫加錢十貫一百貫以上錢二百貫軍人公人仍轉一資詔依 三年正月二十四日詔江湖淮浙錢帛糧綱見在運河阻淺及江湖未應難以前來可令發運司相度權行寄卸於真揚楚泗州高郵軍在城逐倉令空船且往逐路摺運庶免日久綱兵侵欺官物坐費糧食如三四月河水通行却載向上空船裝發上京 其後二十七日尚書省言今來將近中春江潮已應即與冬月不同若上件綱運能至楚泗州即通淮汴更無阻節自可直至闕下若於逐州寄卸舟行計置舟船般運轉見迂枉切慮有礙中都歲計支遣詔已行下文字更不施行 二月十八日詔應官負下班祇應副尉管押綱拋失少欠見今勒住差違者累降指揮如元非侵盜特與放行差違仍據合催欠負於請受內依條剋納 三月十四日淮南江浙荆湖制置發運使趙億言今月六日奉御筆運河淺澁中都闕誤仰火急措置拖拽用車水須管於三日中三十綱到京及別行措置自江入淮到汴利害聞奏契

勘真楊等州運河淺淤潮濶皆乾別無水源止可車取江水臣見與逐州并本司官分頭措置車賦江水為河道遙遠未至添長所有自江入淮到汴緣經涉大海泛洋轉至淮河方可入汴未見得可與不可泛海入淮河行運先已牒通海州鎮江府子細相度講究的確利害次又奏勘會去年楚州界河淺奉御筆於河東常平錢穀內特給降錢米各五千貫頒付陳亨伯募綱食人淘河車水今來欲乞特降指揮下淮東提舉常平司量於東京路借撥到錢米內各支五千貫雇人車水等使詔趙億遵東已降御筆處分疾速措置津遣綱運其所乞事理依奏 六月十日發運司言糧綱昨降指揮召募土人法並罷差大小使臣等管押契勘土人內有諸知行運次第自管押糧綱以來少欠不礙分釐不曾被罰曾經推賞有心力可以倚辦之人欲乞存留從之 五年六月九日詔應押綱人犯罪或違程拋欠合批書印紙而收匿避免批書者杖一百 十日發運副使呂宗言欲下諸路轉運司須管見得逐州縣申到寔有米糧方得支綱仍依條預借梢三分錢如違限許逐綱陳訴從之 以轉運司料數下州縣支綱寔無見管糧料綱運等動經數月又不支借三分工錢故也 七月十八日發運司言契勘江湖路裝載糧重船多是在路買賣違程住滯本司

十月十九日
疑是十月
十九日之誤
上有十月二
十百也一本
無十月二字
六

者詳上供錢物綱在路有故違程依法不得過三日累不得過一月所有
諸路糧綱即未有立定明文今欲比類上供錢物立定有違程不得過十
日內江東淮南兩浙路地累不得過一月湖南北江西路地遠累不得過
兩月所有守關日分計與除豁及無稽程并經由催綱地分官司亦乞比
附上供錢糧行增立法禁詔六路糧綱地分官司不催發杖一百十月
二十三日江南運判蕭序辰言嘗請綱船折欠多因沿路稽留而沿路官
司故有阻節有合支請給處而不即支散有附帶官物處而不即支付有
風水靠閣處而不即救應催發有回運合支工錢處其寄棹錢輒已移用
推託不支又有一路漕司不自計置舟船輒有申陳截留他路回綱尤為
不便欲乞嚴行約束詔令發運司措置十月十九日發運司言江西湖
南北兩浙西路新用勅告香藥鈔均糴斛斛已准指揮權暫和雇舟船般
運合要管押人自合依前後所降處分召募起發外相度欲乞從吏刑部
每路各更差小使臣并副尉校尉一十人發遣赴逐路相兼差押綱運從
之十二月十九日詔應管押綱運使臣等並不許諸處抽差如違官司
及被差人各徒一年從部部尚書盧益請也六年三月二十九日發運
副使呂琮言准給降香藥鈔告勅計一百萬貫分糴斛斛應副般運乞令

逐路據已繹未那借係省官錢雇船起發從之 閏三月六日戶部言勘

會東南路歲起上供布六十萬匹兩次朝旨下發運司催趕至今未盡數

到京其沿路官司坐視略無督責欲乞逐官各置催綱行程歷從本路轉

運司就便印給逐時抄上綱運入界時日押人姓名船隻所載官物躬親

監催起發至甚日時出界本地分內有無風水拋失住滯緣故盡時關報

下界首官司逐旬開具申本司至歲終本司取索行程歷點檢駁磨如能

巡捕宵捉別無留滯及拋失舟船若獲到兵梢等人情易盜賣乞從本司

比較收摘三兩負最優者保奏等第推賞如依前弛慢除法斷罪外仍從

本司酌其情重者奏勘詔依 七年七月十九日發運使盧宗原奏乞諸

路起發錢物即給走歷於却納處繳歷駁磨如地分巡尉苟簡或致侵欺

移易乞賜黜責詔違者以違御筆論 四月二十四日詔宗室並不許召

募押粮綱從尚書省請也 六月十三日發運司言直達綱經由處其地

分催綱官拋失重船沿江十隻展磨勘三年仍令地分官司遇拋失空船

限即時具船隻綱分姓名申本州軍通判本廳置籍抄上候歲終開具地

分拋失隻數合于官吏姓名申發運司責罰從之 十一月十七日詔發

運司累歲興復轉般今方就緒盧宗原見措置耀到米并淮南倉見在均

糴及經制餘錢糴到米各已累降指揮並充轉般代發歲斛如諸司輒敢
陳乞借撥別充他用或別項起發并截借措置到綱船沮壞轉般良法仰
發運司審具以聞當議重行敗竄人吏決配雖奉特旨仰執奏不行 十
二月十六日京東路轉運司言乞今後諸州軍府遇上供綱運起發盡絕
日於本處許差出官內選差官一員沿路根究催赴詔諸路依此 七年
四月十一日尚書省言近降指揮罷兩河土人押綱契勘土人有財力家
業軍校單身貧弱綱運不繼往往逃亡其弊可以坐見合行修復從之
五月三日詔盧宗原拘收糴本興復轉般並係御前措置畫親筆處分無預
漕計亦無取歛於民訪聞諸路漕司輒敢觀望指揮補欠便不以上供歲
額為意發運司官又欲以補欠為己功不復督責舉此以廢彼其宗原所
拘收錢本可令不住於夏秋豐熟去處廣行收糴其已糴到并去歲均糴
斛斛並行樁管以御前措置封樁斛斛為名所有諸路上供額錢除已代
發過數合行截還外且令依舊徑發上京如違以大不恭論 十一月十
三日詔東南六路糧綱回運空船沿流官司依重綱逐界催趕出界批書
出入界日時沿汴委都大官餘委逐路漕臣按察具所部催綱官勤墜申
發運司覆寔比較以聞 十九日南郊赦書諸路起到綱運在路風水積

水運

壞見今監繫勒令賠納情寔可矜仰交納官子細驗認加封記圖全別無
換易情弊即與先次交納其合估剝官錢行下本處依條施行 十二月
二十一日都省言諸路封樁斛斛關舟般般發今未遑防警急合廣儲備
契勘已奉御筆手詔結絕應奉司江淮諸局所進花石綱並罷舟船令
轉運司拘收詔逐路漕臣悉心體國疾速拘收舟船分撥赴已格糧斛州
縣盡數裝發催併到來應副急關支遣仍選差或召募得力使臣多方差
綱梢人兵牽拽沿路經過合批收口券錢糧限即時應副內有裝載官若
石並仰隨所至州軍卸納官物仍仰如法安置不得損失如糧綱到京沿
路別無留滯候卸納訖令司農寺具管押人保明申尚書省取旨優加推
恩如稍涉稽滯及本路監司州縣不切用心應副並當重寘典刑

高宗建炎元年五月十七日路允迪奏都城自來惟仰諸路綱運轉給今
來車駕臨駐傍京汴河綱運理宜先次措置欲乞下戶部及發運司計度
合用數外速令催發前去京城下卸應副急關支用廣濟河蔡河綱運亦
乞下逐處軍運撥發司速行催發前去從之 六月二十七日戶部尚書
黃潛厚言已得指揮諸路起發上供錢物並赴東京送納契勘南京左藏
庫見在錢物不多乞應東南上供綱運令行在戶部相度隨宜分撥赴東

京或南京下卸從之 七月八日詔諸路發到米綱以三分之一給行在
支遣餘於京師樁管其已卸下空船自京師般載六曹案卷及器甲等至
行在 先是汴河以河口決壞綱運不通詔差提舉京城所陳良弼同都
水使者蔡蕤陳永道修治決口至是綱運漸至故有是詔 八月一日京
東路轉運副使李祐言諸路應副朝廷大計發運司最為浩瀚近年歲額
未嘗數足蓋緣管押使臣多是干請差委不曾選擇能幹之人又沿河居
民盜買官米官司並不覺察致每運少欠不下數千碩者至沉溺舟船欲
下發運司選擇有行止無過犯能管押使臣如每運無少欠或欠數多及
沿流官司能為覺察盜賣及不覺察去處重行賞罰以為勸沮及令本司
官不住往來催促詔除少欠數多及無欠一節別作施行外餘並從之
九月十二日同知樞密院事張慤言東南六路歲運糧斛六百萬碩去年
與今年未到數目甚多今乞責東京及南京排岸司各置簿抄上見下卸
糧綱并諸色綱運船元來路分州軍府下卸官物日綱回運就差是何官
負乘載使用至甚處下卸各不得出本路界抄上網官綱梢桿手兵士姓
名人數如違綱梢各量情犯斷勒從之 二年正月十日詔糧綱卸訖空
船雖許差乘若往別路及過所差州軍元差官司并乘船官各徒二年真

州排岸及瓜洲樞關官不切檢察者各杖一百其以前已差往別路糧斛船令轉運司委官催回本路如乘船官占怯依未出本路非理遷延占留人船致妨本處裝運錢糧計日坐罪指揮施行 十八日發運使梁楊祖言准尚書省劄子據倉部員外郎曾慥狀近降聖旨差措置催促綱運吳萬發運司見行糧綱船例皆四五百料以來於法許載二分私物體訪得糧綱往往沿路留滯蓋緣押綱自買船隻僅及十料以上謂之隨綱座船併行般運增添隻數名裝官物十分攬載私貨至如入汴多致阻淺其全綱船隻不免一例住岸今措置欲今後綱運隨綱船不得過見押官船料例止許兩隻如敢依前置買大料船隻隨綱及置買過數許所在官司覺察沒納入官從之 五月十九日詔在京歲月斛斗浩翰從來指擬東南漕運除發運司合應副南京拱州斛斗共四十四萬石并淮浙合赴京畿下卸年額斛斗共九千萬五千石逐司自當別行應副外將發運司未起一歲合發額斛二百五十八萬九千八百餘碩淮浙今歲未起額斛淮南一百四萬七千餘碩兩浙六十八萬七千餘碩並仰多方措置限十月終已前須管盡數般運至京其途路建炎元年已前舊欠各仰前期計置椿辦自來年為始分限三年發不得更有拖欠其措置不擾及押人如期

到京不礙分數並轉運司取旨優加酬賞若催發稽慢不及今來所起之數并押綱人逕延違滯令逐處按劾官當竄逐人吏逮配如闕少綱船仰依已降手詔優支雇直和雇其牽挽人夫亦與添支雇錢雇募仍約東押綱人常切存恤其江湖未起之數浩瀚專委司農卿史徽催促收樁候速路斛斗裝發離岸專委發運呂源催趕至淮南自淮南專委梁楊祖催趕至泗州自泗州專委李祉催趕至東京仰所委官各給押綱人行程若有住滯所委官隨分定地分行違仍仰東京戶部官躬親常切點檢覺察毋令少有稽違住滯六月九日淮南路轉運副使李傳正言本路綱運入汴若餘船輒占河岸行者杖一百比年以來往往官負乘坐船不肯一岸分行恃勢撓抹阻滯綱運所至官司莫敢誰何欲望嚴立法禁許押綱人經隨處官員地分陳訴永報限時拘收梢工送所屬依法推治內兵梢解押赴本州牒送往營州軍勒重役永不得再差充坐船梢工永報官司不即公行或有親望故縱與犯人等科罪詔可行在仍令御史臺覺察聞奏二十三日戶部言江南東路轉運司言本路綱運舊行直達日每綱用剩下二分私物力勝裝載糧斛依是客船例支錢復行轉搬本路額斛依專法祇至淮南下即向緣靖康元年九月二十二日朝旨不許裝載二

送之下接八
月發運到
便存

分私物以此綱運織計不行押綱人皆不願管押今欲且今本路綱運依
舊例用二分私物力勝攬載年額斛斛依和雇客船例支給雇錢更不攬
搭客貨如押綱人報更搭攬私貨即乞朝廷重立法禁本部勘當欲依本
司所乞非情願投狀承攬者不許抑勒如已攬載額斛力勝外更載私物
因致稽滯者於本罪各加一等從之 八月十六日詔諸路州軍綱運二
廣湖南北江東西路赴江寧府送納福建兩浙路赴平江府送納京畿淮
南京東西河北陝西路及川綱並赴行在左藏庫送納二廣湖南北綱運
如經由兩浙路亦許平江府送納福建綱運經由江東西亦許赴江寧府
送納逐州府選委清疆官受納專委通判監視提點刑獄官常切點檢如
所在州軍報敢移用依攬支朝廷封樁法加等科罪以行在左藏庫監陋
故也 九月五日專一措置財用黃潛厚奏乞諸路錢綱並赴行在左藏
庫送納從之 八月發運副使呂源言綱運舊條以二分力勝許載私貨
今官拘力勝而所支二分加料雇夫錢米太微必致侵盜乞加料每十碩
破一夫錢米從之 十二月二十四日江南西路轉運司言本路歲額上
供糧斛舊押綱使臣多為發運司拘截真揚排岸司所遣者多浮浪不根
及有因應募効用補授副尉之人既無家業可以倚伏兼不諳熟綱運次

第欲乞應有副尉乞押本路糧綱並先令供具家業及召命官或有物力人保委審量心力可以委付即乞發遣前來從之 三年四月十日詔東路軍民久闕糧食已撥發上京糧斛令尚書省差發運使一員同本路漕臣專一往來催促起發須管於七月一日以前起發盡絕所在巡尉及應干捕盜官部領弓兵往來防護各至界首交割不管稍有疎虞如有弛慢不職去處令發運使按劾以聞當議重行停降 十二日司農寺丞蘇良冶言淮浙沿并發運司綱運到京依條少欠一分五厘批發及江浙兩路轉般赴淮南用一分今來車駕駐蹕杭州節次即未有立定分數欲乞將江東路糧綱用舊用一分法兩浙路地里不遠權用五釐法施行詔已降指揮移蹕江寧府重別措置申尚書省司農寺措置兩浙并江西路綱運少欠乞用一分法外若地里及三百里已下乞用三釐法四百里以下乞用四釐法五百以下乞用五釐法八百里已下乞用七釐法一千里已下乞用八釐法除並乞用一分法若有礙分綱運依京倉施行從之 五月十六日發運副使葉宗諤言押綱人乞依舊條酬賞外更與減三年磨勘近降赦書除軍功酬賞外其餘權住行遣一年今來押綱人所得酬獎乞依軍功例施行從之 閏八月二十日詔日後諸路送納綱運物色除見

錢并糧斛赴建康府戶部送納外其餘金銀絹帛之類并赴行在送納其已降朝旨江東轉運司收買大麥草數內及折變稅草合赴建康府送納

四年七月三十日戶部言准都省批下發運副使宋輝劄子契勘本司舊行轉般支撥綱運裝糧上京自真州至京每綱船十隻且以五百料船為率依條八分裝發留二分攬載私物如額將二分力勝加料裝糧聽八分正裝計四百碩每四十碩破一夫錢米二分加料計一百碩舊法每二十碩破一夫建炎二年內裝發東京糧粟切畫降聖旨加料每十碩支破一夫後來前本司官葉宗諤去年內得指揮撥還東京糧料沿汴少欠就雇牽駕每船申畫指揮加料依和雇客船則例支給雇錢入汴添支三分水脚錢及舊法支給蔭蒔刺水鋪視等錢并管押人依條除本身請給外重船又別給驛券每運至東京却納無欠折轉一官資綱梢並支棹岸及賞錢所請脚剩等大段優潤今來依奉聖旨雇船起發浙西勸誘等米其押綱除本等資序請給外止添食錢三五百文別無立定了納賞罰兼本司見打疊舟船團結官綱起發行在物斛浙西州軍至越州地里不遠若不權宜立定賞罰無以勸懲今相度除雇船自有立定地里水脚錢外有官綱欲乞依本司昨來起發上京綱運例除添支三分水脚錢不及外餘依

舊例支破所有官客綱人賞罰令以地里遠近所裝米數叅酌立定下項
賞每運押米五千石以上地理至部納處無違程折會償納外少欠依下
項副尉比折收使八百里減磨勘二年半五百里減磨勘二年三百里減
磨勘一年罰每運押米五千碩少欠一分使臣衛替副尉勒停仍根究致
欠因依七釐展磨勘三年五釐展磨勘二年三釐展磨勘一年後批送戶
部勘當申尚書省本部今欲依本官所乞施行內賞係別無少欠倉部供
到狀勘當發運副使宋輝劄子起發浙西諸州米斛至趙州乞依舊八分
裝每四十碩破一夫錢米二分加一料每二十碩破一夫并以地里遠近
賞罰合支藤席刺水鋪襯等錢已勘當依本官所乞內押人依條除本身請
給外重船又別給驛券緣今未止是一時裝發斛斛比之上京綱運事體
不同若更破驛券委是太慢欲乞重船日支食錢四百文省詔依 十二
月十日度支負外郎韓球言欲前去饒信等州剋刷錢糧乞將沿流州軍
並起發見錢其不通水路去處依指揮變轉輕齎從之 紹興元年三月
十二日戶部言趙州通判趙公竑言兩浙路見有起發米斛萬數不少內
有經由海道前來綱運除官綱平河行運合依宋輝措置外海道般運糧
料係為登險理當優異本部今比附重別措置每運至部綱納處無拖欠

連限折會價納外依下項內賞比平河已是優異其罰格亦比附申請措
置通減一等賞格一萬石已下所裝雖多者同一千里無拖欠轉一官不
滿一釐減四年磨勘副尉依使臣法比折收使下准此不滿二釐減三年
五百里無拖欠減四年不滿一釐減三年不滿二釐減二年五千石所裝
不及五千石若併押兩運如及所立之數亦乞通行推賞一千里無拖欠
減四年不滿一釐減三年不滿二釐減二年五百里無拖欠減三年不滿
一釐減二年不滿二釐減一年半罰格欠三釐展一年磨勘副尉亦合比
展欠四釐展一年半欠五釐展二年半欠七釐展三年半欠一分展四年
欠三分數拋失空船一十五隻同使臣校尉衙門替副尉勅傳仍限九次欠因
依從之 二十七日戶部言上供錢物糧斛依法雖請降特旨截留借兌
支撥執奏不行及水指揮統制軍馬等官以便宜行事拘截上供錢物斛
斗官吏並瀝三千里主司聽之減三等所有今後起赴行在送納綱運輒
敢拘截卸納亦乞朝廷嚴賜施行詔諸路應赴行在錢物斛斗官司輒截
留借兌支撥並依上供條法指揮 六月二十四日戶部言諸路歲起糧
斛舊制江湖轉般兩浙直達上京比緣軍興淮南轉般倉放燒毀殆盡其
江湖糧綱自合權宜直達赴行在詔依 九月十八日明堂大禮赦勘會

沿革

標有三月
四百廿三字
點是二字
取正字

宋會要

糧綱舊六路直達法卸納少欠一分五釐已下本路備償折會過一分五釐即行根治比來行在下卸糧綱因有司申請減下欠數和雇客船填納不及五釐官綱一分已下方許批發歸回補發緣此留滯綱船港延刑禁無補公私自今並依舊直達法施行 十月十九日三省言保義郎翁臬等狀准建炎四年聖旨指揮措置收糴糧斛每一萬石為綱選差有材幹使臣兩自管押舟船綱運經由海道載至福州交納如無疎虞依六月九日已降指揮各與轉一官仍與家便差遣臬等於建炎四年十月內蒙差就潮州裝發三綱每綱各一萬石經涉大海於今年正月內到福州交卸了足切見成忠郎潘和等亦於潮州裝發綱運前來温州交卸各有拋失亦與依前項聖旨各與轉官乞行推賞詔各與轉一官 二年三月十二日詔應綱運不以人糧馬料不得在外一面支遣並赴合屬倉分送納如違並從杖一百科罪每名賞錢五十貫文以犯事人家財充仍先以官錢代支 三月四日戶部言應上供錢物綱運欲令州縣遇裝訖即時計所裝船隻錢物數目押人姓名離岸日時先次飛申戶部仍關報前路州縣綱運官司繼續催趕出界依此飛申出入界日時入急通報戶部下所屬庫分拘催從之 四月二日紹興府言閩廣溫台二年以來海運糧斛錢

物前來紹興府並係至餘姚縣出卸騰利般運而本運常患無船不能同時交卸往往留滯海船今既移彈臨安緣自定海至臨安海道中間砂磧不通南船是致沿海之民歲有科調之擾契勘明州自未有般利客旅物貨湖船甚多欲乞專委官以負措置將閩廣溫台等處發到錢物斛斗並就本州出卸優立價值雇募湖船騰利就元押人由海道直赴臨安江下既得少舒紹興諸縣民力又免海船留滯之患糧斛不致失期從之
二月十九日呂頤浩奏近遣郎官孫遠督江西上供米比聞已起三綱可準擬三十萬斛上曰江西漕臣不以時起必待朝廷遣郎官催促然後起發如此則漕臣失職可惡責朕嘗面訓都轉運使張公濟俾先理會常賦若常賦不入乃反務橫歛非朕愛民恤下之意
三年四月二日詔今後起綱如本州差過三負皆未還任接續有合發綱運即先從倚郭縣差縣丞或主簿一負管押以後先近遠於諸縣輪差如被差輒敢規避並從徒二年科罪管押官候到行在別無疎虞依已降指揮推恩
十二月二日戶部言兩浙運判孫遠劄子諸州縣起發綱運赴行在卸納別無拖欠其管押人乞特行犒設今立定下項其錢糧耀場百陌錢內支破如無見在移文本路運司於移用錢內限當日支給三百里以上三千石已上欲支

一十五貫文省五千石已上欲支二十貫文省五百里已上三千石已上
欲支二十貫文省五千石已上欲支三十貫文省詔依今後如遇綱運卸
納了當別無緣故排岸司非理留難阻節官吏並從杖一百科罪三十
日戶部言已降指揮兩浙諸州起發糧斛馬料綱運赴行在卸納別無拋
欠其管押人特行犒設三百里已上三十石已上支一十五貫五千石已
上支二十貫等雖不及三百里已上亦合比類犒設今相度欲將諸州縣
起到綱運如地里不及三百里三十石已上支錢一十貫文省五千石已
上支錢一十五貫文省特行犒設從之四年四月二十八日內殿進呈
造船文字宰臣朱勝非等曰近來諸路般發綱運大段費力雖州縣優支
雇直人戶_以應募者蓋因軍興以後船戶例遭_以虜民間莫敢置船欲令
兩浙江東西路各造船二百隻專充運糧使用上曰須於船上分明雕刻
字號諸處不得占執雖奉聖旨聽執奏不行七月二十六日戶部侍郎
梁汝嘉等言勘會提轄綱運官依法許將帶杖印隨行自本路至國門以
來催促糧綱有犯聽勘決若綱梢偷盜官司故縱留難阻節許報所至監
司追究候催促了日赴尚書省呈納足狀續承朝旨糧綱在路提轄官端
閑不為催促檢察致少欠數多令每半年具催促點檢過事因并住滯官

司申部者詳施行仍候六路提轄官到闕呈納足狀從本部取索集牘點
檢歲終具逐官績狀優劣申取朝廷賞罰施行本部契勘江湖提轄官昨
改隸充發運司提轄催促緣後來發運司官屬已罷惟兩浙路見在提轄
綱運二員自移蹕後來其提轄官全無職事又無治所廨宇亦無申到催
發糧綱文狀今來起到糧綱多有糠粃損濕少欠事屬不便兼即日駐蹕
兩浙地里比近即與昔日事體不同乞委自兩浙轉運司各出印歷付提
轄綱運官二員於本路裝糧州軍不住互各往來檢察催督仍於州縣批
書所至日分依監司例無故不得住過三日候到先從本司點檢以憑本
部不時收憑點檢如有糧綱情弊具提轄官事因申乞朝廷特賜施行所
有逐官合破乘坐舟船仍令本司早依格應副所貴有以責辦從之 二
十七日詔使臣校尉押發糧斛等到行在交納無違程拋失少欠或少欠
不礙分釐若納足不願支給犒設錢依立定平江府湖州二萬五十碩秀
州三萬碩減磨勘一年 九月二十九日戶部言湖秀州平江府管押糧
綱使臣校尉押發官綱米斛到行在無違程拋失少欠或少欠不礙分
釐次運補足之人量與減年磨勘事批送部勘當申尚書省本部勘會近
承朝旨浙西管押糧綱使臣每遇裝發一千石無拋失少欠并有欠不礙

分釐次運補足別無違程若不顧支給犒設錢平江府湖州與陞三年名
次今來兩浙轉運司申明校尉尉押綱亦合依使臣體例推賞本部今勘
當欲將使臣校尉尉押發糧斛到行在支納無違程拋失少欠或少欠不
礙分釐若納足不顧支給犒設錢依立定平江府湖州二萬二十碩秀州
三萬碩已上二項減磨勘一年平江府湖州二萬碩秀州二萬五千碩已
上二項免短使陞二年名次如願換減磨勘九箇月聽平江府湖州一萬
五千碩秀州二萬碩已上二項陞一年名次如願換減磨勘半年聽平江
府湖州一萬碩秀州一萬五千碩已上二項免短使陞半年名次從之
五年三月十五日兩浙運副吳革言給事中陳與義奏州郡官民交病者
雇船以轉輸是也乞令諸郡破官錢買民間堪乘載二百料已上船仍嚴
立約束州郡不得他用轉運司不得拘占有旨令江浙轉運司措置本司
契勘本路除溫台處州不通水路及臨安鎮江府不係接目般運去處外
其餘州府每歲起發上供米斛錢帛馬料欲依陳與義申請令逐州和買
堪好客船以三十隻為一綱內秀常湖州江陰軍平江府係平河行運衙
婺嚴州係自溪入江明州紹興府運河車堰渡江各買二百料止三百料
船專一往來般運本州合發行在錢斛官司不許拘截及充他用雖奉特

旨許本司及諸州執奏不違如違以違制科罪所有合用價錢乞特許借支不以諸司窠名錢應副責令逐州收簇合充雇船水脚錢分限一年撥還取足一合差梢工棹手牽駕人兵欲乞令逐州府據每綱合破人數依條於廂軍內選差有家累及諸會船水之人充役如寔無可選差即行招刺其合用例物等錢乞依買船例不以諸司窠名借支分限撥還一管押使臣兵梢等合支請受衣賜口券錢米州縣往往不依時支給是致侵盜官物今欲依令逐州據見今般運官綱照驗本司所給隨綱拘管棹梢文歷子細檢察的寔人數遵依直達條法限當日內勘給於係省及移用錢內通融應副一所差押綱使臣今相度欲從本司於大小使臣拔副尉內踏逐寔有心力曾經任無過犯不係欠失之人選差管押不許諸處抽差一起發物斛赴行在合比較功過賞罰除浙西已有紹興四年七月二十七日賞格外浙東並經過大溪及錢塘江即與浙西平行運不同今相度欲乞將浙東逐州所起糧米赴行在如無違程拋失少欠不礙分釐若納足不願支給犒設錢內衛發明州及一萬頃紹興府嚴州一萬五千頃依前項已降指揮減磨勘一年錢帛比類推賞一所買客船所委官不切躬親看驗信憑合千人與船戶通同作弊或受請求將年深不堪舊損船

宋會要

中實及虛增料例大估價錢其間寔係堪好舟船安有阻難百端情弊已覓錢物及因緣搔擾如有違犯許諸色人告捉供申朝廷乞重行施斷違仍每名持給賞錢一百貫以犯人家財給告捉人充賞詔依內第二項如敢大破虛橋人數冒請錢糧取旨重作施行 四月七日詔押綱人選法并差撥資次理任並依舊直達綱運法內見任官如係使臣於本任別無規避方得正行差遣並經本路轉運司投狀如應得選法即一面差訖申尚書省出給付身不圓及不經吏部審量人不在差撥之限 十一月二十五日權戶部侍郎張志遠等言諸州縣起發行在斛斛綱運和雇舟船裝載依所降指揮將合支雇船水腳錢以十分為率先支七分付船戶掌管若有欠折並令船戶管認餘三分格留在元裝州縣準備糴填納訖不礙分釐批發前去少欠之數其押綱官更不認數戶部契勘兩浙州縣起發斛斛至行在地里止及數百里其船戶為見有未支三分水腳錢可以糴欠及為州縣自來例不曾支還上件腳錢無可指_率遂於沿路恣意偷盜官物意在先指取合折三分錢數因而侵用過多無可償納所有管押人亦不鈐束容縱船戶公然作弊雖有少欠令所屬監納若不礙分釐批發前去元裝去處補填其州縣近來往往將船戶三分水腳錢元不依數

椿管或已別作支使致船戶詞訟不絕其欠數連延月日不能補發了足緣大數計之失陷不少若不別作擘畫深恐暗失省計今相度欲下兩浙轉運司行下所屬州縣今後和雇客船起發行在糧斛馬料綱運令元裝去處將合支雇船水腳錢盡數支付船戶并管押人同共交領仍措置鎖鐵多方關防起發前來若赴行在交納外有欠令押人并船戶同共認欠除依條破耗外以十分為率令押綱官認二分其船戶管認八分只於行在填納顆粒不得欠折如將上件錢填納不足委自司農寺監勒押綱并係干船戶以隨行動使等出賣填納猶不足即移文轉運司差人除程限十日勒令元牙保人拘收產業出賣發錢前來須管補糴數足庶幾不致綱運拖欠官物其所屬官司不即支還腳錢即許押人并船戶稍工經省部越訴從之十二月五日禮部尚書李光言伏覩陛下駐蹕東南江浙實為根本之地自興兵以來科須百出民力既殫理宜優卹今州縣綱運漕司既不任責轉輸之職趣辦州縣乞檢會舊例應州縣上供及軍糧錢帛等並令漕司計置綱運專差使臣團綱起發其水脚糜費等錢乞依條將直達係省頭子錢椿充漕司不得互用詔諸處轉運司措置依此施行

六年三月五日中書門下省奏川陝屯駐大軍屏蔽四川歲用糧食數

目浩瀚州縣官吏所宜協力津運共濟國事軍前米糧大缺關之雖水運
般發每患留滯詔令趙開躬親前去軍前極力措置水運如委寔般發遲
緩不能接濟軍前見今急關即隨宜從長措置施行務要按月糧斛足辦
如少有稽滯重作施行 十一月十八日四川安撫制置大使席益言蜀
中民已告病而軍向乏食詳觀獎源圖所以救之不一而足所以奏請轉
般欲於上流水溢之時併運在閘利近處春水生後一發運至軍前庶免
如今年下秋頓主關絕一也又奏請於利（限）州就糴入中庶免如今年多
支脚錢而運遠路之貴米二也又於瀘叙嘉熙等州打造運船及自用收
拾水流木斫伐官地木造船庶免向來拘船之弊致客旅逃避棄毀其船
官失指準而又得綱運齊整三也秋初於閘州急糴萬斛以應軍前急關
又遣官於軍前計議於梁洋就糴十萬碩庶免向來陸運之弊人民役死
田萊多荒又得軍前早有糧餉四也行下三路漕司任責起發合運之米
自五月後來至今在倉米數起發將盡庶免如向來積米在倉軍前告乏
五也又應本司屬官齎本司錢物往瀘叙恭涪依私下糴買新米就近發
赴軍前却於西路水運最遠去處兌糴米數省水運舟船之費而民無料
糴之苦六也詔益前項措置事理曲盡利害備見體國之誠令學士院降

詔獎諭

七年二月二十九日詔訪聞兩浙路諸州縣比因和雇舟船般發大軍錢糧官吏並緣為姦多是立為料次預行過數科率民間見錢規求贏餘妄充他費至如欲作某用即支第幾料和雇船錢應副公私侵欺蔽隱弊端百出民甚苦之除已令轉運司打造官船計置綱運外委提點刑獄官躬親遍詣管下州縣子細體訪如有違犯去處按劾以聞其官吏當重寘典憲或監司隱庇不發並當一例坐罪仍令提刑司鏤板印榜散給州縣曉示

十一年八月十六日詔管押錢物及兩全綱令六部對數增賞今後管押人聽押至兩全綱止